

Parlamentario Endy Croes
**PROYECTO DI LUZ TA CONTNUA
VELDNAN DI RCA, RIVERPLATE
Y NACIONAL TA E SIGUIENTE
VELDNAN CU LO HAÑA LED LIGHTS
ULTRA MODERNO**



WWW.SOLODIPUEBLO.COM



SOLODIPUEBLO@GMAIL.COM

CFT: PRESUPUESTO 2026 TA DI AVP/FUT TA UN FANTASIA; IRREALISTICO!



PERSECUCION DI PALM BEACH TE MADIKI KAVEL A TERMINA CU DETENCION Y AUTO CONFISCA!



GERECHT GEEFT TOE: ROOVERS-SCHANDAAL IN ZAAK CROES WAS FOUT



Parlamentario Rocco Tjon: A MANDA PREGUNTA NA MINISTER DI HUSTICIA SR. DOWERS TOCANTE E PROBLEMANAN CU E COMUNIDAD HAÏTIANO TA ENFRENTA



CHAUFFEUR DI PICK-UP A BAHA CAMINDA DAL RIBA PALO DI LUS NA CAMACURI



Dialuna atardi a drenta informe di un accidente na Camacuri, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda pa un motibo desconosi e chauffeur di un pick-up a baha caminda y a dal un palo di lus y e wayanan di coriente a keda lora rond di e pick-up. Afortunadamente ningun hende a resulta herida.



CHAUFFEUR A BAY BANDA ROBES DI CAMINDA DAL SEMI FRONTAL RIBA TRAFICO CONTRARIO Y A RESULTA HERIDA



Diadomingo madruga a drenta informe di un accidente cu hende herida na Palm Beach, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente semi-frontal unda e chauffeur

di un Toyota Yaris a bay banda robes di caminda y a bay dal semi frontal riba un Nissan Cube di direccion contrario. Debi na e impacto e chauffeur di e Yaris a resulta herida.

Na yegada di e ambulans nan a atende e victima y a transporte pa hospital. Ambos auto a rekeri un takelwagen pa hala ambos for di caminda pa trafico por a sigi.



CFT: PRESUPUESTO 2026 TA DI AVP/FUT TA UN FANTASIA; IRREALISTICO!

Gobierno a presenta un presupuesto pa 2026 cu cifranan bon, pero sin base real. Segun e carta di CAft, e gasto pa e añanan 2027-2030 ta poni, manera si no tin inflacion ni aumento den gasto.

Pero tur hende sa e realidad: gasto ta subi, den salario, den huur, den servicio etc.

CAft ta cla: “E realidad di e plan

financiero no ta basa riba realidad.” No tin medida pa controla gasto, no tin prueba cu e cifra ta basa riba maneho real. Ta simplemente un presupuesto coametica, pero leuw di realidás.

Un gobierno sin plan real ta perde confiansa. Aruba mester un plan serio, cu ta laga Aruba para riba su dos pia, no fantasia politico.



GERECHT GEEFT TOE: ROOVERS-SCHANDAAL IN ZAAK CROES WAS FOUT

Oranjestad, 22 juli 2025 – Redactie Solo di Pueblo
Eindelijk erkenning van een kapot systeem
Na twee weken van keiharde kritiek en onthullingen door Solo di Pueblo heeft het gerecht vandaag met hangende pootjes moeten toegeven wat wij al die tijd hebben aangekaart: hun systeem voor zaaktoewijzing deugde niet. De plotselinge aankondiging van een nieuwe “Codigo di Alocacion di Caso” is niets minder dan een stilzwijgende bekentenis dat rechter Roovers nooit over de zaak Endy Croes versus Ernst & Young had mogen oordelen. Schijnheiligheid in rechtspraak

Terwijl het gerecht vandaag hoog opgeeft over transparantie en objectieve criteria, verzwijgen ze zorgvuldig dat deze regels er al jaren hadden moeten zijn. Het

feit dat ze nu pas komen met duidelijke richtlijnen over belangenconflicten en rechterlijke vervangingen, bewijst dat ons onderzoek hout sneed. Roovers, die in 2010 al over Croes’ ontslag oordeelde, had nooit als invallende rechter in 2025 dezelfde zaak mogen behandelen.

Het volk zag het eerder dan het gerecht

Wat Solo di Pueblo al weken geleden al schreef, bevestigt het gerecht nu schoorvoetend: er was geen controle, geen transparantie, geen mogelijkheid tot wraking. Dat een invallende rechter zonder checks zaken kon toegewezen krijgen, bleek een recept voor misbruik. De nieuwe regels lezen als een direct antwoord op het Roovers-schandaal, ook al doet het gerecht alsof het om routine-aanpassingen gaat.

Een bittere overwinning voor Endy Croes



Voor Endy Croes komen deze veranderingen te laat. Zijn zaak, al vijftien jaar een aaneenschakeling van gerechtelijke blunders, moet het nu hebben van een hoger beroep. Hadden deze regels eerder bestaan, dan was zijn zaak nooit bij Roovers terechtgekomen. Het is wrang dat het gerecht nu pas zijn fouten erkent, terwijl Croes de dupe was van hun wanbeleid.

De strijd gaat door

Dit is weliswaar een overwinning voor onze onthullingen, maar geen reden tot juichen. We blijven eisen: een volledig onderzoek naar hoe Roovers überhaupt in deze zaak belandde, compensatie voor Croes’ geleden schade, en vooral – een rechtssysteem dat zijn fouten niet afkoopt met

papiermaatregelen, maar met echte verantwoording. Het laatste woord is nog niet gesproken

Deze nieuwe code is een begin, maar zeker geen eindpunt. Solo di Pueblo blijft het gerecht scherp volgen, want zoals vandaag weer bleek: zonder druk van het volk, geen verandering in de rechtspraak.

OTMAR ODUBER: PPA TA BOGA PA TRANSPARENCIA Y PARTICIPACION, PARLAMENTO NO POR KEDA MAN CRUZA DEN PROCESO NA UN RIJKSWET



Fraccion di PPA, mediante su parlamentario Otmar Oduber, ta preocupa cu e posicion cu e Gobierno ta tumando relaciona cu e forma di anda di un discusion crucial: e contenido specifico di e condicionnan di un Rijkswet pa supervision financiero. “Nos como fraccion di PPA a manda un carta oficial for di final di januari pa pidi un reunion publico. Ya ta mas cu cinco luna, y ainda e reunion no a tuma lugar,” Oduber a enfatisa. Segun Otmar, Aruba ta den un proceso di e discusion aki pa mas di cinco aña caba, pero Gobierno ta keda falta na su obligacion di informa pueblo y Parlamento.

Deficiencia den transparencia y democracia

Durante un reunion porta sera, Gobierno a indica cu pa di tres kwartaal lo mester presenta un proposicion na Consejo di Minister di Reino. Awor cu juli ta caba, no tin ni un concepto oficial riba mesa pa Parlamento por studia y discuti. “Nos no sa nada concreto. Parlamento no por sigui opera asina. Un

delegacion di Parlamento di Aruba ta rumbo pa Hulanda pa bay trata un Rijkswet sin cu a trat’e na Aruba mes, respetando democracia y autonomia di su pais y su hendenan”, segun Oduber.

Reunion cu e gremionan sindical

Fraccion di PPA a tuma iniciativa pa yama un reunion cu e gremionan comercial 1 luna pasa y awe a toca turno pa un sesion interactivo cu e gremionan sindical. Di e forma aki parlamentario Otmar Oduber a presenta e informacionnan basico cu e mes a haya tambe riba nivel ‘ambtelijk’ algun dia atras. “Esaki no ta djis un cuestion di aspecto financiero, ta un cuestion di autonomia y respet democratico. Gobierno no ta habri ni cu Parlamento, ni cu sector di gremio,” Oduber a bisa. P’esey PPA ta insisti y boga pa Aruba forma un Frente Nacional. “Nos ta kere cu Aruba mester uni su forsa politico, gremionan, laboral y civico pa confronta e menasa cu nos democracia y Status Aparte ta confrontando cu e accionnan di Hulanda.”



Nos Democracia ta Den Peliger

Otmar Oduber a subraya claramente cu loke ta den wega ta nos autonomia y e legado di nos lucha pa Status Aparte for di e añanan 40, unda cu a boga pa nos ta ‘baas den nos cas’. “Aruba a logra un posicion unico den Reino, basa riba confiansa cu nos mes por administra nos mes. Hulanda no por uza un Rijkswet pa traha bypass riba nos leynan local y nos orden constitutional,” el a insisti. “Nos tin e structuranan local, nos tin responsabilidad, nos tin pueblo cu tin derecho

pa haya mas claridad riba e topico aki y Gobierno mester dun acara y papia transparente.”

Actua prome cu ta laat

Den september, un delegacion di Parlamento lo bay IPKO, unda e tema di Rijksministerraad ta riba e agenda. “Pero nos ta den receso te mitar di augustus. Pues lo duna solamente espacio di un par siman prome cu e decision final keda presenta,” segun

Otmar. “Nos mester actua awor. Aruba no por sigui den e silencio aki, mientras cu e desaroyonan clave ta tumando lugar den Reino.”

Fraccion di PPA ta manda un apelacion pa Gobierno: cumpli cu e promesa di reunion publico, habri e draft di Rijkswet, y duna Parlamento y pueblo e lugar cu nan merece den un proceso cu ta toca nos futuro.



Parlamentario Rocco Tjon: A MANDA PREGUNTA NA MINISTER DI HUSTICIA SR. DOWERS TOCANTE E PROBLEMANAN CU E COMUNIDAD HAÏTIANO TA ENFRENTA



Miembro di Parlamento Rocco Tjon a reuni cun grupo di Haitiano, biba na Aruba, y a haci pregunta oficial na Minister Dowers tocante e dificultadnan cu e comunidad Haïtiano na Aruba ta enfrenta tur dia. E dificultadnan aki ta relaciona cu haya permiso di estadia, y tambe pa por invita nan famia pa bin pasa un rato na Aruba pa vakantie of bishita. Nos tin hopi aprecio pa e coninidad Haïtiano cu ta traha duro den diferente sector na Aruba pa hiba e pida baranca aki dilanti. Nan ta duna aporte na nos economia y nan merece un trato humano y husto.

Hopi Haïtiano no ta haya contesta riba nan peticion

na DIMAS, y hopi biaha ta wordo pidi documentonan cu no ta facil pa haña. Esaki ta pasa pa motibo cu e situacion den Haïti ta hopi difícil, pero asina mes si logra haya tur documento, no ta haya contesta di Dimas. Esaki ta pone hopi famia den tristesa, stres y decepcion.

No ta husto pa hende cu ta biba y traha legalmente na Aruba, no por laga nan sernan keri, manera un mama, tata òf yui bishita nan.

Mi a pidi claridad na sr. Dowers riba e situacion actual y kier sa cua medidanan concreto ta ser tuma pa yuda e comunidad Haïtiano den e lucha aki.



Stichting Monumentenfonds Aruba zoekt een: Ondersteuner Bedrijfsvoering en Activiteiten

Als Ondersteuner Bedrijfsvoering en Activiteiten ben je een onmisbare schakel binnen onze organisatie. Je zorgt voor een soepel lopende (financiële) administratie, ondersteunt de dagelijkse kantoorprocessen én helpt actief mee bij de organisatie van activiteiten die bijdragen aan het behoud en de zichtbaarheid van ons erfgoed. Je werkt nauw samen met collega's en externe erfgoedpartners.



Wat ga je doen? Bedrijfsvoering:

Beantwoorden van telefoontjes en verwerken van post en e-mail
Archiveren van facturen, bonnen en andere documenten
Inboeken van facturen en kasbonnen in QuickBooks
Beheren van kantoorbenodigdheden en ICT-diensten
Bijhouden van onze kleine interne bibliotheek

Activiteiten:

Ondersteunen bij het plannen en organiseren van bewustwordingsactiviteiten rond erfgoed
Vergaderingen met partners bijwonen en acties opvolgen
Helpen bij het zoeken van sponsors en samenwerkingen
Coördineren van logistieke zaken tijdens activiteiten

Wat breng jij mee?

Minimaal MBO-4 werk- en denkniveau
Ten minste vijf jaar ervaring in een vergelijkbare functie
Ervaring met QuickBooks is een vereiste
Ervaring met Word, Excel en Canva
Cijfermatig inzicht en een gestructureerde werkhouding
Goede beheersing van Nederlands, Engels en Papiamentu
Affiniteit met erfgoed en monumenten is een pré
Je bent dienstverlenend, zelfstandig en denkt graag mee

Wat bieden wij jou?

Een afwisselende en betekenisvolle functie binnen een organisatie die zich inzet voor het behoud van cultureel erfgoed
Samenwerking met betrokken collega's en deskundige partners in de erfgoedsector
Ruimte voor eigen initiatief en ontwikkeling
Een marktconform salaris en goede arbeidsvoorwaarden


Interesse? Stuur je sollicitatie (cv + motivatiebrief) uiterlijk op 18 augustus 2025 naar secretary@monumentenfondsaruba.com o.v.v. "Vacature Ondersteuner Bedrijfsvoering en Activiteiten". Voor vragen over de functie kun je contact opnemen met Monumentenfonds Aruba 582 4014.

PERSECUCION DI PALM BEACH TE MADIKI KAVEL A TERMINA CU DETENCION Y AUTO CONFISCA!



Dialuna anochi polisnan di distrito 2 (Noord) a nota un auto sospechoso y mesora nan a bay pa par'e, pero e chauffeur a ignora e yamada di polis y no kier a para y a start un persecucion unda e chauffeur a aumenta e velocidad di su auto. Polis a sigui cu tras y a yega te

na Madiki Kavel unda e chauffeur a core baha pa bay paden pero polis a detene e hoben a resisti e detencion pero asina mes a logra detene. Mesora e vehiculo di transporte pa detenidonan a bini y a bay cun'e.. Ademá di esey polis a confisca e vehiculo cu e tabata aden.



ACCIDENTE PA FALTA DI PREFERENCIA NA E ROTONDE SASAKI

Dialuna anochi a drenta informe di un accidente na e rotonde Sasaki, mesora a dirigi un patrulla na e sitio. Na yegada di e patrulla a bin compronde cu aki ta trata di un accidente pa falta di preferencia unda e chauffeur di un Pick-up no a para duna preferencia na un Van. Afortunadamente ningun hende a resulta herida.



Parlamentario Endy Croes

PROYECTO DI LUZ TA CONTNUA VELDAN DI RCA, RIVERPLATE Y NACIONAL TA E SIGUIENTE VELDAN CU LO HAÑA LED LIGHTS ULTRA MODERNO



Parlamentario Endy Croes sumamente contento cu e proyecto di luznan LED cu a inicia bou Gabinete Wever Croes 2 ta continua manera a wordo planifica desde 2023. Luznan LED pa veldnan di RCA, Riverplate y Nacional ta na Aruba y e proyecto lo mester continua.

Proyecto di Luznan LED pa canchanan deportivo

Parlamentario Endy Croes ta splica cu desde 2023 a cuminsa traha riba un plan hunto cu FLPD pa asina por aloka fondo pa cambia e luznan existente di canchanan deportivo pa luznan LED ultramoderno cual sigur ta mas eficiente. Desde aña 2023 a concretisa e plan y e promer “order” cu a wordo haci tabata pa Palo Marga y Stadion Dakota mientras durante aña 2024 a haci e segundo

‘order’ pa e siguiente 6 veldnan. (Madushi Stars, Estrella, Dakota, San Luis, Sportboys, Tankileendert). Mientras durante aña 2025 a order luznan pa RCA, Riverplate y Nacional. Manera ta conosi cu desde aña 1991 y 1992 tras di vision di x minister Hendrik Croes e tempo aya Lotto pa Deporte a percura pa ilumina mayoria veldnan na Aruba.

A introduci rond 34 aña pasa un marca Aleman marca “Strago” unda e systema ta traha cu un ‘step up’ trafo di 220V pa 440V volt cu lampinan halogeen di 2000 volt cada un cual ta produci masha hopi cayente. Ora paga e luznan aki mester warda e systema fria alrededor di 20-30 minuut prome cu por cende bek. Pues durante un wega of training esaki sigur no ta eficiente. Durante aña nan 2001-2005 x minister Ramon

Lee a percura pa service y renoba e postenan di luz y pone lampinan nobo di mas o menos 18 veld y pone nan bek den bon condicion. Tras di vision di Gabinete Wever Croes 2 nos a bin cu un plan pa renoba e postenan y cambia e systema completo pa un systema di Led Light ultra moderno cual ta brinda mas claridad y ta mas eficiente y ta gasta menos coriente.

Plan Gabinete Wever Croes 2 y FLPD

Proyecto pa renovacion y cambia e systema di luznan anterior anticua pa un systema moderno ta encera di 2 fase. Uno ta pa renoba e postenan existente usando materialnan moderno cu verfnan antirust super special pa e postenan por resisti e aire, salpetra cu ta conduci na corosion. Di dos fase ta cambia ful e systema di luz (marca Strago y luznan Halogeen) pa un systema ultra moderno di Led Light. Beneficio nan ta hopi y entre otro por paga esakinan y cendenan cu un switch mescos cu un luz di cas, pues simpel y alistante y ta elimina e step up trafo y e systema anterior. Mas klaridad y menos gasto.

Veldnan cu a haña y ta hañando Led Light di acuerdo cu e Plan 2023: Orguyosamente nos por bisa cu Palo Marga a ricibi 26 poste y 26 setup di led light ultra moderno, veld



di Madushi Stars, Stadion GPT Dakota, Veld di Estrella, SV Dakota, San Luis, Sport Boys, Tanki Leendert, BMX Track na Jaburibari, Basketball Court Village, BMX Track Streetwise San Nicolas ta entre otro tur e canchanan cu a forma parti di e vision ya caba a wordo transforma y tin nan Led Light kla y instala. Led Light pa veldnan di RCA, Riverplate y Nacional tambe a yega Aruba caba y lo wordo instala den e siguiente dos lunanan nos dilanti. Asina tin varios facilidadnan riba lista den e Plan cu lo yega na turno manera

Flatstone, Nadi Croes y Crismo Angela, Piscina na Savaneta, Joe Laveist, veld di Brazil, Aruba Juniors, Dragon Hitters, Rooi Afo pa nombra algun di esnan cu lo pasa den e proceso aki. Banda di esaki tin plan pa instala luz na veldnan cu (nunca) tabata tin luz manera Unistars, Brazil, Santa Fe y Simeon Antonio (veld di x Dos Caminos). Ta di spera cu e plan aki ja caba den ehecurion por continua.

E plan tey y fondonan tey. Solamente ta keda na esnan “encarga ” pa tin e boluntad y e curason na e lugar corecto.

Parlamentario Edgard Vrolijk: GABINETE FUTURO /AVP TA E ROBIN HOOD PA E RICO

E Gabinete FUTURO/ AVP nos por calific'e como e Robin Hood pa e rico. Un gobierno burdugu cu ta creando posicionnan cu nunca a existi pa duna su candidatonan y ex candidatonan, mientras cu e ciudadano humilde cu ta cobra minimumloon nan ta sigui perhudica door di tene e ley di Minimumloonuur den lachi cashi y ta laganan ser masacra pa e grupo cu ta sigui bira mas miyonario riba nan custia y di nan famia. Un gobierno burdugu y sin gevoel pa cu e homber y muhe chikito.

Diplomatico Social

E prome titulo cu a ser crea, mi ta yam'e Diplomatico Social otorga na sra. Sonaly Acosta. Nada contra e persona, pero ora cu e lider di AVP a priminti e posicion di Minister pa e ta riba lista y esaki no a pasa, di un manera of otro e lo mester a ser recompensa pa su sacrificio pa ta riba lista. Sigur un miho salario compara cu esun di parlamentario y unda cu ta ser bisa cu incluyendo su 25% di toelage ta papia di un salario cu ta core den careda di 17.000 florin y sigur pa un persona cu no tin afinidad en absoluto cu e area social, financieramente e ta un situacion hopi beneficoso.

Diplomatico Cultural

E di dos posicion crea door di AVP t'esun di Diplomatico Cultural otorga na ex parlamentario di AVP sr. Michael Lampe. Sr. Lampe t'un comerciante residencia na Hulanda y ta ser bisa cu ela ser recompensa c'un bunita salario cu ta core rond di €6.200 euro plus 25% toelage, plus paga su biahenan y estadianan unda su salario ta poco mas cu 15.000 florin pa luna y sigur e gobierno burdugu y sin gevoel a aproba esaki den

Ministerraad unda FUTURO ta forma parti di esaki.

Diplomatico Comercial

FUTURO no por keda atras y unda nos constitucion no conoce Staatssecretaris, FUTURO ta sigui e liña di nan tata partido AVP y tambe a cuminsa crea titulo di trabao pa duna nan candidatonan. Nos por corda e nomber di Rondel Heyliger, unda cu segun documento cu a liek y nos tur sa di cua partido den gobierno esaki a pasa, cu e intencion pa pone ex Minister Romero den mal publicidad, unda e persona aki tambe riba dia di eleccion a ser otorga no menos cu 96 permiso, pero nunca no a pasa paga y conforme ley esakinan a caduca. Na final di dia ex Minister Arends demisionario a otorg'e algun permiso y si nos sigui e patronchi politico esaki tabata pa recompensa pa e ta riba lista di FUTURO y sigur sigui cu e complot politico contra MEP. Y awe e candidato di FUTURO aki, cu t'un comerciante, unda ta ser bisa cu e tambe den e funcion nobo aki lo conoce un salario cu por yega den careda di 12.000 florin pa luna (schaal 16 plus 25%) y un bes mas pueblo tin di bati man y paga e abusonan aki.

Promesa falso di corta 8.5 miyon di coordinadornan di FUTURO

Durante presupuesto 2025 a presenta un amienda pa corta 8,5 miyon di gasto di salario di coordinadornan y despues den e nota di cambio esaki a desaparece y abo como pueblo awor por compronde pakico esaki a kita pa por sigui acomoda nan candidatonan y ex candidatonan, amigonan cu salarionan barabaro



pa yudanan y sigur haci nan financieramente sostenibel, mientras e pueblo conforme encuesta di Banco Central no por ni cumpli cu nan debenan di fin di luna debi cu e ultimo lunanan aki costo di bida a bira impagabel.

Solicitud habri via WhatssApp

FUTURO e partido cu a priminti cu lo tene solicitud habri pa por traha den Cocolishi pa duna mas oportunidad pa mas hende prepara por contribui y sigur no lo mara nan mes na 'friends and family', pero awe por constata cu FUTURO ta haci net lo contrario. Awo nos por wak con FUTURO un pa un ta pone su candidatonan via solicitud di WhatssApp y creando diplomaticonan y otro funcionnan di coordinador di luho p'asina por dunanan salarionan barbaro. E ta un tristesa p'un partido cu a priminti hobennan oportunidad y awe nos ta wak cu amigonan ta bay prome y sigur no tin ningun intencion di aplica Corporate Good Governance den pais Aruba.

Pa termina e Gobierno burdugu FUTURO/ AVP sin gevoel ta e Robin Hood di e riconan, unda ta ranca di e pover pa duna e rico y sigur percursa pa mehora e posicion financiero di nan candidatonan cu riba dje ta comerciante tambe. Nos por wak ta corta 3 miyon di enseñansa, 3 miyon den area social, no ta duna maestro nan compensacion, no ta pasa e ley di minimumloonuur pa paga e homber chikito lo husto cu e ta traha pe, tin placa pa sponsernan politico manera bende di mata, tin placa pa tira tres fiesta cu a costa pueblo casi Afl.

1 miyon, a corta transporte di muchanan special, ta cobra muchanan special, costo di bida ta matando pueblo. Pero nan prioridad ta percursa pa nan FRIENDS and FAMILY haya posicionnan cu no ta ni existi pa recompensanan, mientras abo como pueblo mester bati man y paga belasting pa nan sigui enrikece nan famia, amigonan y sponsernan.

OPINION: NOMBRACION POLITICO, DI FOTOGRAFO PA CONSEHERO. UNDA INTEGRIDAD A KEDA?

Pa Evelyn Wever-Croes, ex Minister President

ORANJESTAD - Durante e eleccion ultimo, partido Futuro a haci hopi promesa fuerte cu nan lo ta otro. Profesionalisacion di e aparato gubernamental, Transparencia den nombramento, No mas “friends & family”, sino solicitud habri y oportunidad igual pa tur hende. Pa hopi 7351 persona, esey tabata un biento fresco. Pero e realidad, lamentablemente, ta net contrario.

Mi a ricibi informacion cu candidato # 7 riba e lista di Futuro, fotografo den e gabinete anterior pa Minister Geoffrey Wever, a wordo nombra sin ningun solicitud habri como consehero na ministerio di Minister Gerlien Croes, ambos ta minister pa partido Futuro. E mesun hende,

cu mesun background, sin ningun formacion adicional of experiencia relevante, ta wordo promovi directamente pa un funcion cu mas responsabilidad y un salario mas halto. Esaki no ta redo, esaki ta realidad. Pa esey, mi a haci pregunta formal na tanto Minister Gerlien Croes como Minister Arthur Dowers, cu ta responsabel pa asunto di personal. Mi kier sa a base di kico e nombramento aki a tuma luga, y si e posicion a wordo habri pa aplicacion publico. Si Departamento di Recurso Humano a duna consejo, y si nan consejo tabata positivo. Y mas importante: si esaki ta cuadra cu e promesanan cu Futuro a haci den campaña. Pasobra con nos por pidi confiansa di pueblo, si nos mes ta

kibrando e regla cu nos a compromete pa sigui!

Tur partido politico cu ta tuma nan mes serio sa: bo credibilidad ta bo capital mas importante. Si bo ta lucha contra nepotismo, bo no por privilegia bo propio hendenan sin duna transparencia. Esaki no ta afecta solamente bo partido, pero tambe e confiansa den nos democracia.

E caso aki no ta solamente tocante un persona. E ta tocante algo hopi mas profundo: integridad di gobernacion. Hende hoben, profesional y hende cu tin ideal, ta perde confiansa ora nan mira cu lealtad politico tin mas balor cu preparacion, habilidad y competencia. Aruba merece hopi mas cu esey. Aruba merece transparencia, honrades y lidernan cu ta cumpli cu



nan palabra.

Mi ta haci un yamado na Minister Croes pa, den cuadro di transparencia, duna claridad total riba e nombramento aki. Y mi ta spera cu Minister Dowers lo tuma su responsabilidad

como vigilante di bon maneho di personal. Si nos di berdad kier construi un Aruba mas fuerte y husto, nos mester cuminsa cu cumpli cu nos mesun principionan.

PASAHERO DI EDAD DEN UN KIA RIO A RESULTA HERIDA ORA UN MAZDA S.U.V. A BAY SUBI CAMINDA GRANDI NA CURA CABAY

Dialuna atardi a drenta informe di un accidente cu hende herida na Cura Cabay, mesora a dirigi tanto polis como ambulans na e sitio. Na yegada di e patrulla a bin compronde cu aki ta trata di un accidente unda cu e chauffeur di un Mazda s.u.v. a bay subi caminda grandi pero e visibilidad di e bahada di solo lo a stroba e chauffeur y pa e motibo aki e lo no por a mira e auto Kia Rio color preto.

E Mazda a bay subi e caminda y a bay dal riba e Kia Rio. Debi na e impacto aki cual tabata net na banda di e pasahero a spant'e y a bira malo. Na yegada di e ambulans nan a atende e pasahero victima.



BOMBERONAN A BAY PA UN CANDELA GRANDI NA ROOI MASTER



Dialuna merdia a drenta informe di un candela di mondi grandi na Rooi Master, mesora a dirigi tanto un “autospuit” y un

“tankwagen” na e sitio.

Na yegada di e “autospuit” mesora a cuminsa combati e candela y na

yegada di e “tankwagen” a sigi combati e candela cu mas awa y asina logra domina e candela y evita su expansion.

CHAUFFEUR NO A MIRA TRUCK TA BIN Y A SALI BAY DAL RIBA DJE NA ZANDSTRAAT



Dialuna mainta a drenta informe di un accidente na Zandstraat, mesora nos reportero a presenta na e sitio. Na nos yegada a bin compronde cu e chauffeur

di un box-pickup a bay subi caminda pero no a mira e truck ta bin y a subi y nan a dal den otro. Entre nan mes a regla e asunto.

DOÑO DI PICKUP BIN BUSCA E SUSHEDAD CU BO A BENTA PARIBA DI SCHOOL NA WASHINGTON OF TA PUBLICA E FOTO!



Dialuna mainta un pick-up a bay benta sushedad

pariba di school di Washington a yama polis

mesora pero na nan yegada ya e pickup a bay

caba.

Ta pidi pa e doño bay

piki e sushedad of ta laga publica e foto tur caminda.

“NET NET” DOMINO TEAM A PROMOVE PA “NOOIT MEER”!

Calabas/Kudawecha - Diasabra ultimo, 19 di juli, fanaticada di domino a cera conoci c’un style nobo di domino, un estilo “Coldplay” cu a laga tur presente den un baño di awa friu friu! E “hype” sigur tabata t’ey p’e estreno dje ekipo nobo “NET NET” Domino Team, kendenan a challenge nada menos cu Team SNOR pa nan wega inaugural! Via nos contactonan den DIA (Domino Intelligence Agency), nos a logra haya copia di algun dje mensahenan cu integrantenan di NET NET DT tabata manda p’e lider di Team SNOR, esta Nelson “Snor” Perez. Aki nos ta publica algun di

nan: “Wanta duro”; “No cuminsa yora”; “Nos lo bay kita e snor”; “Obispo ta pan grandi” (nos ta supone Obispo lo ta bijnaam di un dje hungadonan estelar di Team Snor).

Wel wel, shonnan, nos no por nenga cu e ekipo, supuestamente di Dakotay involucra segun rumornan estilo ‘hush-hush’ mas den mundo di futbol cu di domino, a sa di sali pecho hanchu habri desafiando un dje teamnan mas duro actualmente. Cos a cuminsa move trankilo den prome buelta te ora cu Team Snor a dicidi cu ta basta wega di “kat en muis” y a habri trot manda te bom! Halftime ta bay



aden cu score aplastante di 11-5 pa Team Snor! Y ata! Manera nan ta bisa na Hulanda, “het kan verkeren”! Capitan di Net-Net DT ta lanta y tira serbete blanco den ring dunando impresion na un y tur cu esaki ta NET NET DT su “Plan B” si cos no bay na nan favor. E motibo duna ta cu “mester bay traha un djis”. NET NET DT a “pak nan boeltje”, tira

man vap-vap riba un par di snacks gratis y a plama paña bandona Domino Square Garden! Mas cu claro, wenkbrauw di un y tur a bay laira puntrando nan mes ta kico e team aki a kere? Cu Team Snor ta “zomaar een groepje”? Algo cu bo ta yega suta “eventjes” prome cu bo bay subi warda? Wel shonnan, mas cu claro e resto di anochi tabata yena cu

humor y chansamento, te cu na final unanimamente a promove e ekipo di “NET NET DT” pa “NOOIT MEER DT”. Un caso bisto di e conocido dicho Hulandes: “schoenmaker blijf bij je leest”.

Pero shonnan, keda pendiente, pasobra na Hulanda tambe nan sa bisa “het muisje heeft nog een staartje”

Cas Princesa Aruba cu inscripcion pa Miss Beauty Aruba di 4 pa 15 aña



Fundacion Cas Princesa Aruba ta anuncia na Aruba cu e inscripcion pa e tres certamennan Princess Beauty, Little Beauty y Preteen Beauty Aruba 2025 a habri.

E programa ta start pome di augustus y e final ta dia 4 di october 2025.

E categoria di edad ta di 4 pa 15 aña.

Pa aña 2024 e reinanan tabata Princess Beauty Aruba Hailey Comenencia, Little Beauty Aruba Carly-Yenne Maduro y Preteen Beauty Mia McCollum.

Mescos tur aña e programa lo tin varios actividad educativo pa tur participante inclui workshop di modelahe, higiena personal, protocol, conocimiento di Aruba y mas.

Mayornan cu ta desea pa nan yiu ta parti di e concurso di Miss Beauty Aruba 2025, por tuma contacto cu juffrouw Jessica Anthonij na number 7399449 of por bishita e pagina di Cas Princesa Aruba riba Facebook of Instagram.



Clasificados

Icons representing various services: car, house, shopping cart, briefcase, tools, and people.

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

Polis y ambulans a bay Sabana Basora pa un jovencita cu a dal abao cu scooter



Diadomingo anochi a drenta informe di un accidente cu hende herida na Sabana Basora, mesora a dirigi tanto polis como ambulans na e sitio. Na yegada di e patruya a bin compronde cu aki ta

trata di un accidente cu a sosode mas tempran unda un jovencita a cay cu scooter y a resulta herida cu rascanan y heridanan rond di su curpa. Cu ayudo di bisiñanan a opta pa hib'e su cas mientras cu nan

kier a notifica autoridad di e susedido, pero mas laat e dolornan a bira mas fuerte y a avisa autoridad. Na yegada di e ambulans nan a atende e joven y a hib'e hospital pa atencion medico mas avansa.

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			



HOTLINE



744-0444

CAPT'E Y MAND'E

PRINCESS BEAUTY HAILEY COMENENCIA A BAY WAK MISS TEEN ARUBA INTERNACIONAL



Prome cu e entrega su corona na october proximo, Piness Beauty Aruba 2024, Hailey Comenencia ta activo den actividadnan social y tambe oke ta trata e mundo di beyesa Arubano. Nos ta corda cu Hailey hunto cu e otro representantenan di Cas Princesa tabata na Airport ricibiendo Miss Universe Aruba 2024 Anouk Eman despues cu el a representa Aruba dignamente na Mexico. Tambe nos por a mira Haily activamente participando den e actividad social recaudando fondo cu benta di cuki pa Animal Shelter Aruba. E siman cu a pasa Hailey tabata acompaña pa su mayornan durante e certamen hubenil Miss Teen Aruba Internacional den Cas di Cultura. Aki el a felicita Tara van der Werf cu a gana e titulo maximo.



Tambe el a felicita Elise Heronimo cu e corona di Little Nuestra Beyeza 2025 y a haci uzo pa saca potret cu personanan cu di un forma semper ta sostiene y inspir'e. Hailey ta corda tambe cu si tin algun persona cu tin yiu muhe cu ta entre 4 y 15 aña y ta desea di ta parti di Princess, Little of PreTeen Beauty Aruba 2025, pa tuma contacto cu juffrouw Jessica Anthony na number 7399449 of por bishita e pagina di Cas Princesa Aruba riba Facebook of Instagram.

FORTALEZA PA FAMIA

Scirbi pa Pastor Marcel Balootje.

NUNCA LUBIDA FOR DI UNDA DIOS A SACA BO, Y LIBERA BO



Den number di Cristo Hesus di Nazareth awe, si awor aki mes, tur plan di scuridad, immoralidad, bruheria y santeria cu por a lanta contra bo bida, of a lanta contra bo bida y famia ta keda cancela, destrui, y tur spiritu impuru ta bay pa nunca mas bini bek. (Marco 9;25).

Ora nos ta kere den nos Senjor Cristo Hesus E a duna nos autoridad contra tur locual ta scuridad y malesa, pasobra E a bisa den Marco 16:17-20 cu e senjal nan aki



lo sigi esnan cu ta kere,

Tur posibilidad ta existi cu cos no tabata bay bon den nos bida, y nos tabatin dificultad pa bay dilanti, pero cu yudansa di Dios, nos alcanza meta cu hopi biaha nos mes no por kere na unda nos ta awe.

Pero tambe nunca kere cu bo por avansa den bida cu yudansa di scuridad, immoralidad, manipulacion, corrupcion, pasobra e dia cu menos bo spera e enemigo lo laga bo cay, pasobra su poder ta temporal, e ta tata di mentira, y hopi cos cu ta mustra bunita, pero ora e berdad, sali na cla berguensa ta pa esun cu a kere den su maldad.

Nunca lubida con bo mayornan a lanta bo, con nan a cria bo, porta bo no a lanta hunto cu bo mayornan, pero nunca lubida e persona cu Dios a permiti guia bo riba e bon caminda, pa awe bo ta caminda bo, ta sea semper agradecido.

Trata tur hende bon, y no paga malo cu malo, perdona, pasobra pordon ta trece bendicion, y liberacion, sea

esun cu ta perdona prome,

pa asina demostra cu bo ta biba, e palabra di Dios.

Ora Dios lanta bo, y pone bo para riba bo pia, corda cu ta Dios a hacie pa bo y no bo mes, den tur cos sea agradecido na Dios, keda humilde, keda trankil, no laga orguyo di mundo, gara bo curason y cuminsa haci cos robes y lubida for di unda Dios a saca bo y libera bo.

Bonda ta bini di Dios y bondad ta bini di ariba, Dios ta pone hende hunto cu bo pa yuda bo, hende cu ta stima bo y kier bo bon.

Por ehempel bo ta un homber/muher, y Dios a duna bo un esposa/esposo cu ta stima bo, por ta e no ta bunita manera un Miss Universo of un tipo di artista, pero su curason ta bunita, e ta para banda di bo den bon y den malo, e ta respeta bo, den tur momento, e ta fiel y sincero, corecto, y semper bo por conta su carinjo y atencion.

Awor bo a conoce den un tempo cu cos no tabata bay bon cu bo den bida, pero hunto boso a lucha y yuinan a bini, cas a wordo traha, auto a wordo cumpra, abundancia cu Dios a provee a drenta cas, sea agradecido un na otro, pero na prome lugar sea agradecido na Dios y no laga material bruha boso cabes.

Trata tur hende bon, yuda tur cu bo por yuda, no menosprecia ningun hende, no discrimina ningun hende, corda for di unda Dios a saca bo y libera bo, y sea humilde den tur cos, sigi sirbi Dios, cu firmesa den boso curason, y boso lo wak con e bendicion di Dios, lo briya riba boso yuinan.

Pasobra wowo di Senjor ta riba e hustunan, y Su horea ta atento pa scucha nan oracion, ma e cara di Senjor ta contra esnan cu ta haci malo. (1 Pedro 3:9).

Sea agradecido na Dios tur momento.

Oracion di dia

Un feliz dia fructifero colma cu hopi gracia di Dios.

'Ningun hende no por bini cerca Mi, si mi Tata cu a manda Mi no hal'e cerca Mi'. (Huan 6, 44)

Cristo ta bisa cu ta via di Dios so un hende por yega cerca djE. Mescos tambe den e lectura ta pa medio di un angel di Dios Felipe a

topa cu e africano. Cristo mes ta splica cu E ta e pan cu ta duna biba. Esaki ta nifica cu nos tin di sigui busca Cristo pa medio di oracion, pa medio di lesa Bijbel, cumpli cu e 10 mandamentonan, haci

bon obra, haci sacrificio y scucha e Palabra di Dios. Busca pa por conoce e Palabra di Dios, laga Pastoornan y Diacononan splica e Palabra di Dios ja asina nos por yega cerca di Dios y Cristo Hesus. Felipe a splica e homber di Etiopia e loke e tabata lesa di profeta Isaias y ora el a compronde el a wordo batisa mesora. Rumannan nos tin

di sigui y busca e pan cu ta duna bida cu ta Cristo. Haciendo esaki nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui busca e pan cu ta duna nos bida cu ta Cristo.

Amen.



MINISTER GERLIEN CROES A FIRMA ACUERDO CU NEW PALTZ STATE UNIVERSITY OF NEW YORK, CREANDO MAS OPORTUNIDAD PA BAY STUDIA NA MERCA

Oranjestad, 22 di juli 2025 – Minister di Relacionnan den Reino, Educacion, Hubentud, Innovacion y Deporte, mr. Gerlien Croes, a firma un acuerdo importante cu New Paltz State University of New York, habriendo un porta nobo y creando asina oportunidad educativo pa hobennan y maestronan Arubiano cu aspiracion pa sigui nan estudio y/of profesionalisacion na Merca, especificamente den e estado di New York. E acuerdo ta contempla cooperacion den diferente area di estudio clave pa e desaroyo di e futuro di Aruba, incluyendo arte visual y escenico, tecnologia aplica, formacion pa maestro, STEM, sostenibilidad, investigacion, negoshi

y mas. E alianza strategico aki ta parti di e compromiso di Gabinete AVP-FUTURO pa amplia acceso na educacion superior relevante y prepara nos hubentud pa enfrenta e demanda di un mercado laboral globalisa. Durante e firmamento, Minister Gerlien Croes a expresa su gratitud pa e cooperacion y acuerdo cu SUNY New Paltz University y a subraya e importancia di colaboracion internacional pa empodera nos hobennan y fortalece nos infraestructura educativo. “Nos ta traha pa un Aruba cu mas oportunidad. Aki ta un paso concreto pa amplia horizonte di nos hubentud y conecta



nan directamente cu institucionnan cu por nutri nan talento y ambicion”, Minister Gerlien Croes a subraya. E acuerdo cu New Paltz University ta un di e varios pasonan strategico cu Ministerio di Educacion ta y lo tuma pa yega na un red di cooperacion cu institucionnan internacional na beneficio di nos studiantenan y maestronan y pa construi un Aruba mas fuerte den conocimiento, creatividad y sostenibilidad.

TAMBE ATELIERS '89 TA LANSA DI E FORMA AKI SU PROGRAMA PA FIN DI AÑA 2025



Si, si bo kier inscribi ainda? Por! Pa asina bo por participa na e interesante workshop di Fotografia pa e Artista Maestro Alexis Tromp. Bo por haci esaki te cu Dialuna 28 ora cu workshop cuminsa. Alexis pa aña largo ta eherse e profesion aki di fotografo y filmacion video. Un persona hopi profesional cu ta cla pa comparti cu cada participante su experiencia den e ramo di Fotografia. Un workshop habri pa un y tur por participa. Si bo ta di 12 aña pariba tin un camera y mihor ainda un laptop tambe. Lo ta hopi great si

bo participa na e workshop aki. Nos tin camera tambe y laptop pa comparti si bo no tin. Y tambe semper por usa bo celular. Den blanco y preto e impacto di e contratse. Lo busca con pa abo mes presenta y produci bo potret di mihor manera cu ta possible. Unda lo busca profundidad, composicion y photoshop y editing ta na nan lugar. Bin amplia bo mes un vision y prepara bo obranan den un ambiente great sin mas cu lo wordo presenta na publico den un exposicion na final di e workshop. E workshop lo tuma lugar den Ateliers '89 su Black Box aireacondiciona. Cu presentacion, charla y difrente boeki di artistanan maestro

di fotografia. Inscribi y manda nos un mail na elvis@ateliers89.org o yama 5654613, www.ateliers89.org, Participa y bin traha hunto cu nos na Ateliers '89, no perde e oportunidad unico aki

Black and White

The Impact of Contrast

Photography workshop with visual artist Alexis Tromp

July 28th- August 21st

Classes are on **mondays, tuesdays & thursdays** 6:30 pm - 9:30 pm



Ateliers '89
Dominicanessenstraat 34
Sign up
5654613 elvis@ateliers89.org



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - July 22, 2025

 Sorteo # 8601 6959 5809 7787  FP  Sorteo # 7645 8914  X2  Sorteo # 2350 0296  Sorteo # 6404 5886 Piscis Sorteo # 1334 448 X2	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 265.000,-	 Sorteo # 6893 0 x Jackpot 3 x Match 4 130 x Afl. 8,00 05-06-23-28-30 Proximo Jackpot 51.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 280.000,- Afl. 400.000,-	 Sorteo # Sorteo # 208 106645 #VALUE! 
---	---	---	--	--